

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla” d.o.o.

Broj: 052-45-768-12/25
Dubrave Gornje, 25.07. 2025. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U

o izboru najpovoljnijeg ponuđača

I

Ponuda ponuđača „Proinspekt“ d.o.o. Tuzla, za ponuđenu cijenu od **6.490,00 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor o nabavci usluge godišnje revizije trafo stanica i elektro postrojenja** na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-768/25 od 11.07.2025.godine, pokrenut je konkurentski zahtjev za nabavku usluge godišnje revizije trafo stanica i elektro postrojenja, ukupne procijenjene vrijednosti 10.000,00 KM bez PDV-a.

Tenderskom dokumentacijom i obavještenjem o nabavci rok za dostavljanje ponuda je bio do 21.07.2025. godine do 09:00 sati, a javno otvaranje pristiglih ponuda izvršeno je istog dana sa početkom u 10:00 sati, a što je sve konstatovano zapisnikom sa otvaranja ponuda broj: 05/2-45-768-10/25. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je dana 22.07.2025. godine pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-768-10/25, Komisija konstatuje da je blagovremeno zaprimljeno šest (6) ponude i to ponude ponuđača:

1. **Netz elektrik d.o.o. Gradačac**, čija je ukupna cijena ponude iznosi 9.200,00 KM bez PDV-a
2. **Elektrocentar Petek d.o.o. Tuzla**, čija ukupna cijena ponude iznosi 10.000,00 KM bez PDV-a
3. **Kalelektrik d.o.o. Živince**, čija ukupna cijena ponude iznosi 9.950,00 KM bez PDV-a
4. **Proinspekt d.o.o. Tuzla**, čija ukupna cijena ponude iznosi 10.000,00 KM bez PDV-a
5. **General Engineering d.o.o. Sarajevo**, čija ukupna cijena ponude iznosi 9.900,00 KM bez PDV-a
6. **Deling d.o.o. Tuzla**, čija ukupna cijena ponude iznosi 9.950,00 KM bez PDV-a

Pregled i ocjena pristiglih ponuda

Ponuda broj 1.

Komisija je izvršila uvid u ponudu ponuđača **Netz elektrik d.o.o. Gradačac**, te je utvrdila da ista sadrži uredno popunjen i potpisan obrazac za dostavljanje ponude i obrazac za cijenu ponude. Ponuđač je u pogledu ispunjavanja uslova iz člana 45. Zakona o javnim nabavkama BiH dostavio ovjerenu izjavu, zatim ovjerenu kopiju aktuelnog izvoda iz sudskog registra kao dokaz o ispunjavanju uslova iz člana 46. Zakona. Kada je u pitanju izjava iz člana 52. Zakona, ponuđač je dostavio predmetnu izjavu, ali ista nije ovjerena od strane nadležnog organa, a što je propisano članom 52. stav 10. Zakona. Obzirom na navedeno Komisija je predmetnu ponudu ocjenila neprihvatljivom.

Ponuda broj 2.

Kada je u pitanju ponuda ponuđača **Elektrocentar Petek d.o.o. Tuzla**, uvidom u istu utvrđeno je da sadrži obrazac za dostavljanje ponude i obrazac za cijenu ponude koji su uredno popunjeni i potpisani. U pogledu članova 45. i 52. Zakona dostavljene su izjave ovjerene kod nadležnog organa, kao i ovjerena kopija aktuelnog izvoda iz sudskog registra kao dokaz da je ponuđač registrovan za obavljanje predmetne djelatnosti.

Nakon završenog pregleda i ocjene ponude, Komisija je ovu ponudu ocjenila prihvatljivom.

Ponuda broj 3.

Uvidom u treću ponudu dostavljenu od strane ponuđača **Kalelektrik d.o.o. Živinice**, dostavljeni su popunjeni obrazac za dostavljanje ponude i obrazac za cijenu ponude. U pogledu člana 45. Zakona dostavljena je ovjerena izjava, kao i ovjerene kopije dokaza o ispunjavanju uslova iz člana 45. stav (2) Zakona.

U svrhu dokazivanja uslova da je predmetni ponuđač registrovan za obavljanje djelatnosti koja je u vezi sa predmetom nabavke, ponuđač je dostavio ovjerenu kopiju aktuelnog izvoda iz sudskog registra.

Nakon završene analize dostavljene ponude, Komisija je istu ocjenila prihvatljivom.

Ponuda broj 4.

Komisija je pregledom i ocjenom ponude ponuđač **Proinspekt d.o.o. Tuzla** utvrdila da je ista dostavljena u skladu sa predmetnom tenderskom dokumentacijom, da sadrži potrebne obrasce za dostavljanje ponude i za cijenu ponude. Takođe uz ponudu dostavljene su izjave iz člana 45. i 52. Zakona uredno potpisane i ovjerene, kao i dokaz o ispunjavanju uslova iz člana 46. Zakona koji se odnosi na sposobnost ponuđača za obavljanje profesionalne djelatnosti, koja je u vezi sa predmetom nabavke. Navedeni dokaz dostavljen je u ovjerenoj kopiji.

Na osnovu naprijed navednog, Komisija je jednoglasno konstatovala da je ponuda ponuđača Proinspekt d.o.o. Tuzla prihvatljiva.

Ponuda broj 5.

Uvidom u ponudu broj 5. dostavljenu od strane ponuđača **General Engineering d.o.o. Sarajevo** konstatovano je da ista sadrži sve dokaze za kvalifikaciju ponuđača koji su dostavljeni u ovjerenoj kopiji, kao i popunjen obrazac za dostavljanje ponude i obrazac za cijenu ponude. Na osnovu naprijed navedenog, ova ponuda je od strane Komisije ocijenjena kao prihvatljiva.

Ponuda broj 6.

Komisija je i kod ponude ponuđača **Deling d.o.o. Tuzla** konstatovala da ista sadrži sve dokaze koji su definisani tenderskom dokumentacijom za kvalifikaciju ponuđača, kao i uredno popunjen i potpisan obrazac za dostavljanje ponude i obrazac za cijenu ponude, te je Komisija i ovu ponudu ocijenila prihvatljivom.

Nakon završenog pregleda i ocjene ponuda, a obzirom da je tenderskom dokumentacijom u ovom postupku planirano provođenje e-aukcije ista je zakazana za dan 24.07.2025. godine sa početkom u 14:00 sati. Vrijeme završetka e-aukcije je 24.07.2025. godine u 14:56 sati.

Nakon završene e-aukcije, ponude se rangiraju kako slijedi:

Redni broj	Naziv i sjedište ponuđača	Konačna cijena u KM bez PDV-a
1	Proinspekt d.o.o. Tuzla	6.490,00 KM
2	General engineering d.o.o. Sarajevo	6.499,00 KM
3	Deling d.o.o. Tuzla	8.000,00 KM
4	Kalelektrik d.o.o. Živinice	8.358,00 KM
5	Elektrocentar Petek d.o.o. Tuzla	9.090,00 KM

Obzirom da je tenderskom dokumentacijom definisano da je kriterij za dodjelu ugovora „najniža cijena“ te je u skladu sa tim nakon provedene e-aukcije, kao najpovoljnija ocijenjena ponuda ponuđača: **Proinspekt d.o.o. Tuzla**.

Po završetku pregleda i ocjene ponuda, Komisija za provođenje predmetnog postupka jednoglasno je konstatovala da postoje uslovi za izbor najpovoljnijeg ponuđača, te je predložila Upravi Ugovornog organa da donese Odluku o izboru najpovoljnijeg ponuđača i da ugovor dodjeli ponuđaču **Proinspekt d.o.o. Tuzla**, a sve u skladu sa odredbom člana. 69. stav (1) tačka a), kao i članom 70. Zakona o javnim nabavkama

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
6 x Ponuđaču
1 x Evidencija
1 x a/a



DIREKTOR
Dževad Halilčević
Dževad Halilčević